

आकाशवाणी

खास-खास खबरां:-

1. सरकार नै पेट्रोल ते डीज़ल दी बिक्री पर लाए गेदे अस्थायी प्रतिबंध हटाने दा फैसला कीता ऐ।
2. पश्चिम बंगाल सरकार नै राज्य च समान नागरिक संहिता-यूसीसी लागू करने दा फैसला कीता ऐ।
3. केन्द्र सरकार नै भारतीय फिल्म उद्योग गी बढ़ावा देने आस्तै महत्वपूर्ण फैसले कीते न।
4. दिल्ली मंत्रिमंडल नै दिल्ली इलेक्ट्रिक गड्डियें सरबन्धी नीति गी मंजूरी देई दिती ऐ। एदा मकसद राश्ट्री राजधानी गी 31 मार्च 2030 तगर पूरी चाल्ली शून्य उत्सर्जन परिवहन बक्खी लेई जाना ऐ।
5. राष्ट्रपति द्रौपदी मुर्मु अज्ज सोयां आंध्र प्रदेश दे दो दिन दे दौरे पर रौहडन।
6. फीफा विश्व कप फुटबॉल च 5 बारी दे चैंपियन ब्राज़ील नै जापान गी 2 - 1 कन्नै हराकर अंतिम-16 च प्रवेश करी लैता ऐ।

<><><><><><>

Fuel Regulation

सरकार नै पेट्रोल ते डीज़ल दी बिक्री पर लाए गेदे अस्थायी प्रतिबंध हटाने दा फैसला कीता ऐ। पेट्रोलियम ते प्राकृतिक गैस मंत्रालय नै आक्खेआ ऐ जे सार्वजनिक क्षेत्र दी तेल कंपनियें दे पेट्रोल पंपें पर इक जुलाई सोयां एहू प्रतिबंध लागू नेई रौडन। मंत्रालय मूजब, पश्चिम एशिया संकट दौरान अंतरराष्ट्रीय बाज़ार च कच्चे तेल दियां कीमतां बदी गेईयां हियां। पर सरकार नै आम लोकें गी राहत देने आस्तै पेट्रोल ते डीज़ल दी खुदरा कीमतें च बाददा नेई कीता। एदे कन्नै खुदरा ते थोक कीमतें च फर्क आई गया हा। इसै वजह करी 12 जून सोयां अस्थायी प्रतिबंध लाए गए हे। एदे तैहत इक ग्राहक या गड्डी गी इक दिन च बढ़ोबढ़ 200 लीटर डीज़ल देने दी सीमा तय कीती गेई ही। इसदा

मकसद कालाबाज़ारी ते जमाखोरी गी रोकना ते सारे उपभोक्ताएं गी पेट्रोल ते डीज़ल दी लोडचदी उपलब्धता सुनिश्चित करना हा।

<><><><><><>

WB- UCC

पश्चिम बंगाल सरकार नै राज्य च समान नागरिक संहिता-यू.सी.सी लागू करने दा फैसला कीता ऐ। मुख्मन्त्री शुभेंदु अधिकारी होरें विधानसभा च इसदी घोषणा कीती। उ'नें आक्खेआ जे दो जुलाई गी होने आहली राज्य मंत्रिमंडल दी बैठक च विधेयक दा मसौदा पेश कीता जाग। इसदे आस्तै सर्वोच्च न्यायालय दी सेवानिवृत्त न्यायाधीश न्यायमूर्ति रंजना देसाई दी अध्यक्षता च इक समिति बनाई गई ऐ। समिति विवाह, तलाक ते गोद लैने सने नौ विषे दा अध्ययन करिए चार हफतें च अपनी रिपोर्ट देग। मुख्मन्त्री होरें आक्खेआ जे अनुसूचित जनजातियें, कुर्मी ते प्राचीन मूलनिवासी समुदायें गी इस कानून दे दायरे सोयां बाहर रखेआ जाग।

<><><><><><>

I&B Film

केंद्र सरकार नै भारतीय फिल्म उद्योग गी बढ़ावा देने आस्तै दो महत्वपूर्ण फैसले कीते न। नमी दिल्ली च सूचना ते प्रसारण मंत्री अश्विनी वैष्णव हुन्दी अध्यक्षता च होई दी समीक्षा बैठक च एह फैसला लैता गेआ। एदा मकसद भारतीय सिनेमा गी वैश्विक स्तर पर मता मुकाबलेवाजी आहला बनाना ते फिल्म निर्माण आस्तै बेहतर माहौल तैयार करना ऐ। सूचना ते प्रसारण मंत्रालय नै प्रसार भारती दे अध्यक्ष प्रसून जोशी हुन्दी अध्यक्षता च इक उच्च स्तरीय अध्ययन समूह दा गठन कीता ऐ। एह समूह भारतीय सिनेमा अग्रे मौजूद मौके तें चुनौतियें दा अध्ययन करिए उद्योग गी मजबूत बनाने दे सुझा देग। मंत्रालय नै राज्यें आस्तै आदर्श राज्य सिनेमा विनियम बी तैयार कीते न ते उनें'गी अपनाने दा बी आग्रह कीता ऐ। सरकार दा आक्खेना ऐ जे इसदे कन्नै मुल्य च आधुनिक, मजबूत ते वैश्विक स्तर पर मुकाबलेवाजी आहले फिल्म उद्योग दे विकास गी बढ़ावा थ्होग।

<><><><><><>

Delhi-EV

दिल्ली मंत्रिमंडल नै दिल्ली इलेक्ट्रिक गड्डियें सरबन्धी नीति गी मंजूरी देई दिक्ती ऐ। इसी पैहली जुलाई सवां चरणबद्ध तरीके कन्नै शुरू कीता जाह्ग। इस नीति दे तैहत राश्ट्री राजधानी गी 31 मार्च 2030 तगर पूरी चाल्ली शून्य उत्सर्जन परिवहन बक्खी लेई जाने आस्तै 15 ज्हार करोड़ रपे दा माली आवंटन कीता गेआ ऐ। नमीं दिल्ली च इक संवाददाता सम्मेलन गी संबोधित करदे होई दिल्ली दियां मुखमंत्री रेखा गुप्ता होरें आखेआ जे एह नीति पूरी चाल्ली कन्नै इलेक्ट्रिक गड्डियें पर केंद्रित ऐ। एहदा अखीरला लक्ष्य दिल्ली गी बल्ले-बल्ले प्रदूषण थमां मुक्त शैहरै च तब्दील करना ऐ जेहदे कन्नै उत्थूं दे बसनीकें गी लाहू हासल होग। उंनं आखेआ जे सरकार नै अगले 4 बरें च इसी चरण बद्ध तरीके कन्नै लागू करने लेई इक व्यापक योजना तैयार कीती ऐ।

<><><><><><>

Ind Condemns Pak

भारत ने अफगानिस्तान दे रिहायशी इलाकें उप्पर पाकिस्तान आसेया कीती गेदे हवाई हमले दी सख्त निंदेया कीती ऐ- जेहदे च महिलाएं ते बच्चें सनें केई नागरिकें गी अपनी जान मुहानी पेई ऐ। विदेश मंत्रालय नै इक ब्यान च आखेआ ऐ जे पाकिस्तान दी एह कारवाई अफगानिस्तान दी संप्रभुता पर हमला ऐ ते क्षेत्रीय शांति ते स्थिरता आस्तै गंभीर खतरा ऐ। मंत्रालय नै आखेआ ऐ जे एह हमला पाकिस्तान दे गैर- जिम्मेदाराना रवैइये गी दर्शादा ऐ। भारत नै मरने आहलें दे परोआरें दे प्रति संवेदना प्रकट कीती ऐ ते घायलें दे तौले नरोआ होने दी कामना कीती।

<><><><><><>

Ind. Army PLA

भारतीय सेना नै मीडिया रिपोर्ट गी खारज करी दिता ऐ जेहदे च आखेआ गेआ ऐ जे Chinese People's Liberation Army नै हाल च गै अरुणाचल प्रदेश च अतिक्रमण करियै कैम्प लाए हे। सेना ने आखेआ ऐ जे इस चाल्ली दियां रिपोर्टां गलत ते बगैर कुसै आधार दियां न।

<><><><><><>

Prez

राष्ट्रपति द्रौपदी मुर्मु अज्ज सोयां आंध्र प्रदेश दे दो दिन दे दौरे पर रौहडन। राष्ट्रपति अज्ज विजयनगरम च स्थित केंद्रीय जनजातीय विश्वविद्यालय दे पैहले दीक्षांत समारोह च शामिल होंडन। एदे मगरा, ओहू कल अनंतपुरम च आंध्र प्रदेश केंद्रीय विश्वविद्यालय दे पैहले दीक्षांत समारोह च शामिल होंडन।

<><><><><><>

Agri –Min.

केंद्रीय राई-बाई ते करसान कल्याण मंत्री शिवराज सिंह चौहान हरियाणा दा दौरा करडन ते 'खेत बचाओ अभियान' दे समापन समारोह च शामिल होंडन। कृषि मंत्री करसानें कन्नै सीधे गल्लबात करडन। ओहू उत्थे इक प्रदर्शनी च बी जागन । केंद्रीय राई-बाई ते करसान कल्याण मंत्री शिवराज सिंह चौहान होर अज्ज सोयां पूर्वोत्तर दे दो दिन दे दौरे पर रौहडन। ओहू गुवाहाटी च उच्चस्तरीय समीक्षा बैठक दी अध्यक्षता करडन- जेदे च असम ते आले- दोआले दे क्षेत्रें च हाड़ करी फसले ते बुनियादी ढांचे गी पुज्जे दे नुक्सान ते जारी राहत कम्में दी समीक्षा करडन। कल श्री चौहान अरुणाचल प्रदेश दे हाड़ प्रभावित इलाके दा हवाई ते जमीनी सर्वेक्षण करडन। ओहू प्रभावित करसानें ते मुकामी लोकें कन्नै मलाटी करिए राहत कम्में दा जायजा लेंडन। श्री चौहान, होर राज्य

सरकार दे मंत्रियों ते वरिष्ठ अधिकारियों कन्नै बैठक लाईए फसल नुकसान, करसानें गी मुआवजा, फसल बीमा ते हाडें करी पुज्जे दे नुकसान पर बी चर्चा करडन।

<><><><><><>

FIFA

फीफा विश्व कप फुटबॉल च 5 बारी दे चैंपियन ब्राज़ील नै जापान गी 2-1 कन्नै हराकर अंतिम-16 च प्रवेश करी लैता ऐ। अमरीका दे ह्यूस्टन च खेडे गेदे मुकाबले च गेब्रियल मार्टिनेली नै बाद्दू समें च विजयी गोल कीता। हुन ब्राज़ील दा सामना खीरी-16 च आइवरी कोस्ट या नाँवें कन्नै होग। इक होर मुकाबले च पराग्वे नै जर्मनी गी पेनल्टी शूटआउट च 4-3 कन्नै हराइऐ खीरी-16 च थाहर बनाई। तय ते बाद्दू समे तक दवै टीमां 1-1 दी बराबरी पर हियां। एदे मगरा पेनल्टी शूटआउट च पराग्वे नै जित्त दर्ज कीती।

<><><><><><>

IMD

मौसम विभाग नै अज्ज उत्तर पूर्वी भारत, पश्चिम बंगाल दे तराई क्षेत्र, बिहार, कोंकण, गोवा, महाराष्ट्र, कर्नाटक, केरलम ते माहे दे किश हिस्सें च मौलाधार बरखा दा ऑरेंज अलर्ट जारी कीता ऐ। कल ओडिशा, झारखंड, उत्तर प्रदेश, उत्तराखंड, मध्य प्रदेश, विदर्भ, छत्तीसगढ़, तेलंगाना, तमिलनाडु, पुद्दुचेरी ते कराईकल च बी तेज बरखा दी संभावना ऐ। मौसम विभाग नै आक्खेआ ऐ जे कल दक्षिण-पश्चिम मानसून दे गुजरात, मध्य प्रदेश, छत्तीसगढ़, झारखंड, बिहार, उत्तर प्रदेश ते उत्तराखंड दे किश हिस्सें च अगो बढदने आस्तै अनुकूल माहौल ऐ। जम्मू-कश्मीर, पूर्वी राजस्थान, गुजरात, मराठवाडा, आंध्र प्रदेश ते लक्षद्वीप च बिजली चमकनें ते अंझी-झक्खड़ झूलने दी शैंका ऐ। विभाग नै दिल्ली, हरियाणा ते चंडीगढ़ च दिन भर लू चलने दी बी संभावना जाहिर कीती ऐ।

अगले त्रै थवां चार दिनें च उत्तर-पश्चिम भारत च बहुबद्ध तापमान च 4 सोयां 5 डिग्री सेल्सियस दी गिरावट औने दी मेद ऐ।

दिल्ली च अज्ज आंशिक तौर पर बहुल छाए रौहने दी संभावना ऐ। राष्ट्रीय राजधानी च बहुबद्ध तापमान 39 सोया 41 डिग्री सेल्सियस बश्कार रौहने दी मेद ऐ जिसलै कि घट्टोघट्ट तापमान दिन दौरान 28 सोयां 30 डिग्री सेल्सियस दे आले- दोआले रौहगा।

<><><><><><>